

左宗棠全集

第八册

K249.06

(W) 1


8

0080786

左宗棠全集

第八册

奏稿（八）



新疆维吾尔自治区图书馆XT0-0080786

左文襄公奏稿卷四十一

起同治十一年壬申正月訖七月

目錄

涇州地方創建考棚量補文武歲試摺

六二四一

請豁免甘肅被災最重各屬丁糧摺

六二四五

疊攻太子寺屢勝兩挫逆回乞撫摺

六二四九

核明潰退各員分別懲辦片

六二六三

西甯各回求撫委員察看辦理摺

六二六七

徐占彪一軍抵肅後剿賊情形片

六二七一

貴德丹噶爾兩廳剿賊獲勝片

六二八一

要犯喬得祿伏誅片

六二八五

中南北三路截剿擾運零匪片

六二八九

臬司蔣凝學暫緩交卸蘭州道篆片

六二九七

覆陳福建輪船局務不可停止摺

六二九九

河州撫事漸可就緒片

六三一

偏攻肅州大勝摺

六三一七

剿辦北路零匪摺

六三二三

階州白馬關被匪闌入旋即擊退片

六三三一

整飭甘南諸軍片

六三四一

馬納兩逆未及歲子孫照例辦理片

六三四五

成祿出關難期振作片

六三四七

遵查李守愚徐應彪被參各款據實覆陳片

六三五三

福建甘捐請變通辦理片

六三三七

收復河州安插回眾辦理善後事宜摺

六三六一

偏攻肅州疊獲勝仗并甘涼防軍剿賊情形摺

六三七一

甘北逆目就擒見無成起逆賊擾掠片

六三八五

甘南零匪肅清片

六三八七

新募湘軍來甘舊勇回湘片

六三九三

偏剿肅州攻拔堅巢擒斬逆目摺

六三九九

請議敘道員蕭宗幹并開復總兵吳干城片

六四一三

中衛一帶截擊零匪片

六四一九

後路肅清進駐省城片

六四二一

涇州地方創建考棚量補文武歲試捐

同治十一年正月二十一日

奏爲涇州地方創建考棚量補文武歲試恭摺具陳仰祈

聖鑒事竊甘肅回亂以來久停考試

臣肅清中路後疊飭該管道

府州妥籌舉辦以明正學而勵人心據平慶涇道魏光燾轉據署涇州直隸州知州邵杜詳稱涇屬向無考棚歷附平涼府考棚應試茲由閤屬紳民公議捐建勘有州城東關公館舊址飭傳工匠估計工料錢四千八百串涇州捐錢二千串靈臺縣一千四百串崇信縣六百串鎮原縣八百串委涇州訓導蘇亮節監造紳士楊駒等經理於同治九年十一月興工十年十二月工竣計建成大小七十四間除堂號外南北兩棚五百餘號目前應試士子數目

僅足敷用查咸豐十年後停考已歷四屆同治元五兩年州縣考試已由前署知州林發深舉行尙未補行院試擬先補行同治元五兩年院試其八十兩年歲試俟州縣續行考校期無缺濫惟涇屬向附平涼併考今設棚分考事屬創始詳請具奏前來臣覆查無異除咨學臣暨禮兵工三部查照外相應請


旨敕部立案以垂久遠再據平慶涇道詳稱委勘涇州新建考棚工堅料實均係民捐民辦請免造冊報銷合併聲明所有涇州創建考棚及量補歲試緣由謹專摺具奏伏乞

皇太后

皇上聖鑒施行謹 奏

軍機大臣奉

旨該部知道欽此



請豁免甘肅被災最重各屬丁糧摺

同治十一年二月十三日

奏爲查明甘肅被災最重各屬自同治元年起至八年止額徵地丁銀糧草束懇請概予豁免以恤災區而廣

皇仁恭摺仰祈

聖鑒事竊據甘肅布政使崇保按察使楊重雅詳稱甘省自遭回亂民多逃散田地荒蕪擬將被災最重之區歷年積欠錢糧先請豁免以廣招徠而裕民生所有被災最重蘭州府屬之河州狄道渭源金縣靖遠紅水縣丞沙泥州判鞏昌府屬之隴西安定會甯岷州平涼府屬之平涼隆德固原華亭鹽茶慶陽府屬之安化甯州正甯合水環縣甯夏府屬之甯夏甯朔靈州涇州屬之鎮原靈

臺等二十六處地方徧遭賊擾城池失陷案卷焚燬無從查造均係實在情形各該廳州縣計自同治元年起至八年止每年額徵地丁正項銀一十六萬八千八百五十四兩二錢三分四釐耗羨銀二萬五千二百二十五兩六錢四分四釐正項糧一十七萬七千二百三十三石七斗四升九合七勺耗羨糧二萬六千五百八十五石三斗五合九勺草三十六萬七千七百七十二束三分一釐擬請概予豁免俾失業之民得以及早歸農以盡地利而納正供實於

國計民生均有裨益等情會詳請奏前來臣覆查無異合無仰懇天恩准將被災最重之二十六廳州縣自同治元年起至八年止

額徵銀糧草束概予豁免以恤民艱其餘被災較輕各屬仍一面督飭查明實欠確數彙案辦理是否有當伏乞

皇太后

皇上聖鑒訓示謹 奏

同治十一年三月初十日內閣奉

上諭左宗棠奏查明被災最重各屬請將額徵地丁銀糧等項豁免一摺甘肅蘭州等府州屬疊被賊擾田地荒蕪若將額徵銀糧等項照常徵收民力未免拮据加恩著照所請所有蘭州府屬之河州狄道渭源金縣靖遠紅水縣丞沙泥州判鞏昌府屬之隴西安定會甯岷州平涼府屬之平涼隆德固原華亭鹽茶慶陽府屬

之安化甯州正甯合水環縣甯夏府屬之甯夏甯朔靈州涇州屬
之鎮原靈臺等二十六廳州縣自同治元年起至八年止每年額
徵地丁正項銀十六萬八千八百五十四兩零耗羨銀二萬五千
二百二十五兩零正項糧十七萬七千二百三十三石零耗羨糧
二萬六千五百八十五石零草三十六萬七千七百七十二束零
著概行豁免以恤民艱餘著照所議辦理該督卽刊刻謄黃徧行
曉諭務使實惠均霑毋任吏胥舞弊用副軫念災區至意該部知
道欽此

疊攻太子寺屢勝兩挫逆回乞撫摺

同治十一年二月二十二日會甯夏將軍穆圖善銜

奏爲官軍疊攻太子寺屢勝兩挫甘南步營潰退左後兩路諸軍
繼進逆回乞撫見籌辦理情形謹據實馳陳伏祈

聖鑒事竊上年十二月十二日以前連破賊壘偪攻太子寺情形
均經馳報在案提督楊世俊等於上臘石梁坡大捷後乘勝銳進
奪其外濠該逆又於寨外加濬深濠二道并以重利邀結撒拉循
化八工米拉碾伯各痞回及四鄉悍賊拌死抗拒除分股繞襲運
道外南由瓦房山丹豆山迄塌馬池北由火兒混堡循河而下折
抵黑山之尾築壘六七十座遙遙合圍以斷官軍狄道糧路二十
三日又乘夜在黨川鋪北偷築二壘橫亙甘南建宇兩營之間糧

運復梗二十四日楊世俊傳先宗抽隊合擊遊擊石補天拔犛先登各部繼進立將兩壘攻拔守賊殲焉傳先宗飭總兵李占椿分哨填紮旋報賊犯石梁坡各壘楊世俊收隊回援詎悍股緣澗突出徑撲填紮之壘李占椿憑壘堵禦中礮而殞遊擊何建威亦赴援受傷兩壘復爲賊據二十五日賊分撲石梁坡各營提督張仲春率隊要截擒斬多名二十六日賊傾巢大至南踰長濠北踞河川東及宗岳各營之後分股圍攻薛家坪平西等營楊世俊密飭各營堅守勿出午後賊勢漸懈張仲春督所部衝出楊世俊繼之各營均開壁夾攻縱橫決盪賊死傷枕藉川中逋賊於履冰時自相踐踏在坪上者強半追墮深巖生擒馬老虎馬禿子馬格立等

九名斬之惟總兵易金雄戰沒兵勇亦多傷亡二十七日賊又大至專攻石梁坡及薛家坪營盤拔柵填濠抵死不退張仲春率隊來援川中另股截出接戰楊世俊督軍猛進身受兩傷裹創力戰賊始反奔各軍乘之賊滾巖死者尤衆生擒米一麻木馬兆沅等四名供稱二十六日之戰撒拉大頭目馬鄉老爲官軍陣斬黨川鋪賊壘乃也阿渾挑悍黨死守以梗糧運者訊畢斬之是役總兵張得志遊擊陳有祥董金成都司洪明泰守備韓鳳鳴主簿楊興藻均血戰而殞二十八日天未曙賊由四山抄至楊世俊預約傅先宗各以五成隊迎戰分三路齊上槍礮止刀矛接官軍愈戰愈奮賊敗而奔追殺百餘名陣亡都司王照益把總陳佩麟二員時